

دائرة مخصوصه

درسمادتده باب على جوارنده

محل اداره :

مشرط القبر

۱۳۲۶

اخطار :

مسلكمزه موافق آثار جديده مع المنوبه
قبول اولنور

درج ابدنه بن آثار اعاده اولنور

ديره، فلسفه، علوم، مفروض، ادبيات و سياسيات و باطالاه كرك سياسى و كرك اجتماعى و مدنى احوال و شئونه اسلاميه و نه بحث ايدر و هفته ده بر نشر از انور.

آبونه بدلى

سنه لکى التى آيلنى

ممالك عثمانيه	ايچون	۶۵	۳۵	غروش
روسيه	»	۶۵	۳۰۵	روبله
سائر ممالك اجنبيه	»	۱۷	۹	فرانق

صاحب و مؤسسلرى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسمادتده نسخه سى ۵۰ پاره در

قبرله دن مقوا بورو ايله كوندرييليرسه سنوى

۲۰ غروش فضله آلنير

دردنجى جلد

۱۲ ش بان ۳۲۸ پنجشنبه ۵ اغستوس ۳۲۶

عدد : ۱۰۲

روم ایلی شرقی مسأله سی اوزرینه طویلانان استانبول قونفره را-
نسند ایه ، روس وانکلز سفیرلرینک روللرینی ترامپه ایتدکاری
نظر حیرته چارپیوردی : بوسفر تمامیت ملکیه نك مدافعی روس
سفیری ، بویوک بلغارستان تشکیلک مروجی انکلتره ایلچیسو اولمشدی !
بوندن بویله ، انکلتره سیاست شرقیه سی تورک دوستلی اساسندن ،
کیتدجه متزاید برسرعتله آریلور ، اوزاقلاشیر ؛ نهایت بردرجه یه
کلورکه آرتق انکلتره ، دولت عثمانیه تمامیت ملکیه سنک مدافعی
اولق شوینه طورسون ، موجودیت عثمانیه نك بیله عدو بی امانیدر...
انکلز سیاستنک بوشکللی ، بالخاصه «ارمنی وقعه سی» ائسانسده وضوح تام یله
تجلی ایدر . ارمنی وقعه مؤسسه سنک عواملندن بریسی دور سابقک
حکومتسزلکی ایه ، دیگر بریسی ده انکلز آنترقیه سی اولدینی شهاسز
کیدر . (بوباده تفصیلات آلمق ودلائل بولق ایسته یئر ، رونه نیونک
«L'Europe et l'empire ottoman» . نه مراجعت بویورسونلر :
صفحه ۴۱ الی ۵۶) انکلزلر ، وقعه نك حدوشنه چالیشدقن صوکره
وقعه هنکامنده ، عالم نصرانیتک هجانندن بالاستفاده ، دولت عثمانیه یی
تخریبه قالدشمشلدی . ارمنی وقعه سی ائسانسده انکلتره نك مقصدی
یالکز خاقان مخلوعی خلم ایتدیرمک دکل ، دولت عثمانیه یی پارچالایوب
حو ایلک ایدی : ۱۸۹۵ سنه سی آغستوسک نهایتده ، انکلتره خارجه
ناظری لورد صولسبه ری ، دوورده ایراد ایلدیکی برنطق طویل سیاسیده ،
عدالت تاریخیه یرینه کلوب ، یاقین زمانده ، تورک ایمپراطورلغنک
یر یوزندن قالته جغنی خبر ویریور و دیوردی که : «صاقین ، بنی جراحلق
ایتمه خواهشکرظن ایتمه یک... بونکله برابر تهله که موجود و بردوامدر .
بر مرکز تعفن وارکه اورادن خسته لق و چوروکلک اوروپانک اعضای
ساله سنده سرایت ایده بیلور .» کرچه صولسبه ری ، نطقلرنده ، الکیزاده
سلطاننه متعرض کی کوریلورسده ، سلطان اونک نظرنده تورکیه نك
تمثالیدر ؛ سوز نطقدن وئائق رسمیه یه انتقال ایتدیکی وقت ، بومهملاک
قالماز ؛ مثلاً صولسبه ری نك ۲۰ تشرین اول ۱۸۹۶ تاریخیله دول معظمه یه
طاغتنینی مه موراندومنده عیناً شو سوزلر محرردی : «آرتق آشکار
اولدی که اشبهو بلایای عظیمه ازاله ایدیلر ایه ، اوروپا دولترینک
علو جنبانی ، کندی معاصی و خطیاتیله یی قلمقده اولان بر دولته
حیاتی ادامه ایلیمز .»

ارمنی وقعه سننده ، انکلتره دولتی تهسیدینی ایقاعه یعنی
دولت عثمانیه یی تقسیم و تخریبه مقتدر اوله مادیسه ده ، تورک و مسلمان
دشمنانی سیاستنده ینه اولکی شدتیه دوامده اصرار ایلدی .
بو آتی - تورک ، آتی - مسلمان سیاستک تجلیات مختلفه سی ، مصر ،
ماکیدونیا ، کرید ، عربستان ، عراق و عقبه مسأله لرنده بولوب میدانه
چیقارمق یک قولایدیر . لیکن بزم بوراده مقصدیمز ، انکلتره نك شرق
سیاستنی خطوه بخطوه تعقیب ایتک اولمایوب ، انجق صوک یکریمی اوتوز
سنه ایچنده نه قدر چوق دکشمش اولدینی کوسر مکدن عبارتدی .
بناءً علیه مسائل مذکور ددن بحشه لزوم کورمه یز . بوقدر چک
ایضا حاتندن ده اکلاشمش طن ایدرز که برلین قونفره سنندن اولکی

وصوکره کی انکلز سیاست شرقیه سی ، بربرینک ضد کاملیدر : اوکجه
انکلتره تورکیه نك دوستیدر ، تمامیت ملکیه سی و سلطاننک استقلالنی
مدافعه یه چالیشیور ؛ صوکره دشمنیدر ، پارچالامیه ، بیتیرمه یه اوغراشیور .
بونکله برابر ، غربیدر که محررینزدن بعضاری ، حالا انکلتره نك
تورکیه دوستی اولدینی ادعا ایدیلور و متصل قریم سفیرنی ، ۹۳ محاربه سی ،
پاریس و برلین قونفره لرینی اوکه سوروب ، اوزماندن بری ، انکلز
سیاستنک اوغرا دینی تحول عظیمدن بخیبرمش کی طاورانیورلر اسیاستده
حسیات اولادینی کی غننه ده یوقدر : غننه نك وجودینه اینانیر کی
کورنمک برسیاستدر ، اما حقیقهً اینانمی بویوک برغفت اولور .

موسو صورده ۱۸۰ نجی عصرده فرانسه نك سیاستی ، سیسته لره ، سیاسی
غننه لره قاپیلوب نه عظیم خساراته اوغرا دینی ، همان هر درسنده تکراردن
اوصافازدی . بنابرین بزده تکرار ایلر : انکلتره سیاست شرقیه سنک
دساتیر اساسیه سنندن اولان تورک دوستانی ، کندی تعبیرلرنجه تورکیه
حامیلکی ، انجق برلین قونفره سنک فرداسنه قدر کله بیلدی . ناصل که
بویوک بیت ، ۱۸ نجی عصرک نهایتده ، روس انکلز مودت طبعیه سنک
ختامنی بیلدیرمشدی . اویله جه صولسبه ری ده ۱۹ نجی عصرک نهایتده
عثمانلی دوستاننک زوالی اعلان ایلدی . لیکن اونودیلاملیدر که بوتون
بوتحولاته رغماً انکلتره سیاست خارجه سنک اساسی ، بر اسقوجیا
غیرایتی کی ثابت و غیر متبدلدر : انکلز دیپلوماسیسی ، صرف وطننک
منفعتنه ، منفعت مادیه سنه خدمت ایدیور . اگر برکون اولوب ده تورک
دوستانی بواساسه نافع کوریلورسه ، اوزمان انکلتره سیاستی ظاهراً
ینه دوزر ، درلت عثمانیه نك ال یاقین دوستی کیلور ، فقط مدارا و مداهنه
ایله هیچ برشی قرانیلاماز ...

آ . ی .

بز شرقه باقهلم شرقه !

تقریباً ایکی سنه اول وقوع بولان طلب اوزرینه استانبول غرتلرندن
برینه بعض مقالات یازمش ایدم . بونلردن برنده ممالک غربیه یه کلک
اشتیاقنی کوسترن بعض کنجیله بشقه برزمینده اوله رق «بز شرقه باقهلم
شرقه !» دیمش و مشرق اسلامده ، رفاهلی حیات ایلله تبعه شایان اموری
غربیلره بر اقامنی توصیه ده بولنش ایدم . بوتوصیه نك کنجیلردن
ماعتاسنه دخی لزومی کورینه چکنی تخطر ایلهمش ایدم . آوروپانک
تااورته لرینه قدر پای استیلا اوزاتمش اولان اجدادمن بوکون قاقسه لرده
تامنهای غربنه بیلله ظفریاب دخول اولان بونجه احفادک جرأتی
کورسه لر ظن ایدرم همان حجاب مادونیت ایلله قوشوب مزارلرینه
کیرلردی .

یاری اونه اوشوش ، بونه موفقیت ایلاره سی اولان ده کلیور ، اودونج پاره
بولان ده کلیور ، بش اون لیراسنی دهاسیاحتی مدتک نصفندن اول توکتوبده
تلاش خوف ایلله عذاب احتیاجه دوچار اوله بیلله چکلرینه عقللری ایرلرده
کلیور ! کلسونلر ، بویورسونلر ، غربک هرجهتی آچقدردر ، سربستدر ؛

یرارلق کوسستروب توجه قزانلق ایستین مأمورلرمن اوتیه برویه یازیورلر، باش اوریورلر؛ زوار وارده ایچون ملاقات ویا سیهلات ایستیورلر؛ معتبر غزته لرده زوار وارده نك «شویله یایدق، بویله یاپه جغز» یوللو مكاله لرینی درج ایتدیرمک غیرتنده بولنیورلر. فی الواقع نزاكت بین الملل بومقوله مراجعتلرک اسعافی ایجاب ایدر. مع مافیله اکرام و جمیله ده بغایت احتیاطله و ندرتله طلب اولمق واسرافه معروض بر ایلماق قطیاً مقتضیدر. بوندن ماعدا اشتغالات مهمه صاحبیلرینک وقتی پک محدوددر؛ ایمدی آنلرک فدا ایدم جکلری وقت وامک بر ملاحظه کافیه مادیله متناسب اولمق لازمدر. بزمله اولان معاملاتدن امید اولنان کارک حقمزده دریغ ایدلین اکرام و جمیله ده تقابل ایدم مدیک بر خیلی محافلجه حسن اولمغه باشلامش اولسه کر کدر. «شواصلحاتی یایدق، شو امور عدالتی یولنه قویه جغز» مثللو وطن وملتی حقنده اجانبه حسن تاثیری مأمول اولان کلاملر صرفی حیتکارانایلیله بیلور. فقط خطاب اولنان اجانبک او خصوصاً تده کی حسیات حقیقیسی و منابع سائر ن آلمش معلومات مقدمه سی اکر لایقوله تفحص ایدیه بیلمش اولسه وقوع بولان اقناعندن صدره شفا ویرر بر نمره حصوله کلیه جکی اکلاشیلوردی. یایدیغمز ترقی، بایه جغمز اصلاحاتی رسمیت نامنه کندیمز اعلان ایلیمده بشقه لرینه سولندیریم، اعتراف ایتدیریم؛ دها ای اولور.

* *

مصرک اصحاب نقودندن اولوب اوتهدن بری هر یاز آوروپایه یاتبدیل آب وهوایه ویا هوادار یرلرده بر مدت استراحت کئلردن بر چوقلری دیار افرنجک طرز حیاتندن اوقدر خط ایلدکلری ایچون یازی بر مسلمان ممالکته کچورمکی ترجیح ایدرلر. فقط دورسابقک تضییقات متحکمانه سندن بیلوب فراح وهوادار مواقعه بر مدت اوطورمق ایچون استانبوله ویا جوارینه کله مزلردی. بوندن ناشی هر سینه مضردن یوز بیکلرجه لیرا چیقوب مملکت مزه دکل، آوروپایه دوکیلدیکنه تأسفلر ایدیلوردی. حیات افرنجک اذواق وهوساتندن نصیبدار اولمق ایستین مصرلیر مستثنا اولمق اوزره وسعت صاحبی هر بر مصر سیاحی الیوم مملکت مزده موسم صیفی کچورمکه میل کوستریور؛ ایمدی تسهیلات وامنیت آرتدقچه بو میل زیارت دخی آرته جق وهر سینه مملکت مزه یوز بیکلرجه مصر پارده سی دوکیله جکدر. حیفا که بزده بوکا مقابل کندی یوز بیکلرجه لیرالرمزی آوروپایه کتوروب دوکک هوسی آرتیور. اوافق تفک مصارف سفریه لری بر آرایه کتور بکزده نه دهشتلی بر یکون حاصل اولور کورر سکز. بو یکونک بویوک بر قسمک بیت المال ملتدن کلدیکنی نظر دقنه آورسه ق آکا مقابل آوروپادن آلنان فائده نابته نك کمتی هان هیجه یقین برشی چیقار. بز معاشجی بر خلقز؛ بشقه ممالکتلرک اهلی کی تجارت، صناعت، زراعتله بولدیغمز پارملری صرف ایلیمورز. ایمدی اکر حمت ملیه مز، حیثیت مردانه مز جدا سالم ایسه تشبثات و حرکات مزده

شو قدر که کندی کیسه سینه کووه نلر، اذواق ذاتیه سی واحوال صحیه سی ایچون کندی حسابنه کئلردن ماعداسی ده متصل بلاد غربیه یه آقین آقین کلسکه باشلادی. فلان وفلان امر ایمی تتبع ایچون آوروپانک ممالک مختلفه سنده جولان سریع اجراسنی درعهده ایدنلر طرفندن ملک ودولته عرض اولنه یله جک یرارقلرک اوباده خرجه راه و تخصیصات صورتیه بیت المال ملتدن ویرلن انچه بی حلال ایتدیریه جکی آرتق پک آشکار کورنمکه باشلادی. بر خلق اکر حریته مالک ایسه بیت الماله ویردیکی ویرکونک حتی بر غروشنک بیله محل صرفنده کی اصابتی بیلیمک ایستر. طبیی بونی آکلامغه او خلقک مبعوثلری، مؤکلدر. مبعوثان کرامک وخصوصاً بزم آناطولی مبعوثلرینک آرتق ایلری ده واردات دولندر بر غروشنک بیله محل صرفنه اعتنا بونیورم جکلری قویاً مأمولدر.

آناطولی مبعوثلرینی تخصیصاً ذکرین مقصدم بقای دولت عثمانیه ایچون قوه ظهر اولان و فقط منابع ثروتک هنوز عدم انکشافی سببیه سالیانه دن اک زیاده صارصیلان آناطولی خلقنک بیت المالك صرفنده هروجهله اقتصاده دها زیاده منتظر اولدقلرینی اتیاندر. برایشی ای اوکرنمک، بر مبحثی ای تتبع ایلک ذکای داهیانیه ممالک اولان ذوات نادره ایچون بیله محان اولان بر زمان ترقی ده یاشایورز. ایمی بو عصر ترقی واختصاصده جولان سریع حالنده طوبلانیلان معلومات هیچده شائبه سطحیاتدن عاری اوله ماز؛ معلومات سطحیه ایسه هرشیدن زیاده امور دولته تطبیقه تولايد خطر ایلر. مستملکات شرقیه ده بولنان مأمورین افرنج منسوب اولدقلری بلار غربیه یه مأذوناً کلمک ایستدکلری زمان - چوق کره واقع اولدینی اوزره - حکومت نامنه کندیلری ایچون یاه جق برایش احداث ایدرلر. بناء علیه اجرای حکومت ایتدکلری مستملکه خزینه سندن خرجه راه آلورلر، معاشلرینی آلورلر، حتی آوروپاده ایکن بیلدکلری عمریه اجرتی بیله مسدکور خزینه حسابنه کچورم بیلورلر. او مقوله صرفیاته متحمل اولان خزینه آنجق بر مستملکه خزینه سیدر که وارداتی مجبور تابیت اولان «یرلیرک» یعنی اهالی شرقیه نك ثمرات عملندن تحصیل ایلر. فقط بزدن آوروپاده او مقوله صرفیاته لزوم کوسترمک ایستیلرک تدابیری پک مقبوح «حیل شرعیه» قیلندندر. بناء علیه متشبثلرینک منسوب اولدقلری ملتک وسعت و ضرورتی حقنده کی قیدسزلقلرینی ووطن ذاتیه لری حقنده کی نقصانی حسن حیتلرینی ارا نه ایدر.

کرک فرداً بعد فرد رسمیت نامنه بلاد غربیه یه کئلر وکرک بر هیئت سافره تشکیله جولدیر جماعت کلوپده نوعما بروضیت رسمیت آلانلر ای بیللملیدرلر که بو مقوله «زیارت عثمانیه» دن بر چوق فرنگلره آرتق کلال کلسکه باشلادی. اکرام نزاكت ده قباق طادی دینه جک بر حال آلمق اوزره در. اکرا ایشدکلرمن تمامیه یا کلش دکل ایسه بعض یرلرده آره سی چوق کچمکسزین استنقال ضمنی علائم الیمه سنک مزاج غزته لری محایفنده ظهوری محتملدر. بورالره کلن زوار رسمیه یه

استفاده نفسانیه دن زیاده منافع ملیه نك آمینه او غراشمقلمیز لازمدر.

کمال شکران ايله کوريله جك احوال دن اولدینی اوزره مقتضیات احوال شرقیه وجهله شهرام ترقی ده یوروکلمز لک لزو منی ادراک ایدنلر جو غالیور. مع مافیه شرقیقلرینی، مسلمان هیئات اجتماعیه سنه منسوب اولدق لری قاله آلمان و تمدنک تعیین ماهیته ده کی نقصانی ادراک لری کوسه ترن ذواتک مقدرات ملیه مزی تعیینده کی قدر لری حالا ده زیاده در. بو ذواتک امید تعالیسی تمامیه غریبه معطوفدر. آنلرجه شرق بر وحشت آباددر.

ایشته بو ذواتک مقدرات مایه بی تعیینده کی قدرت و نفوذندن طولاییدر که بیت المال ملتدن وقوع بوله جق یاردم ايله مشرق اسلامک هیچ بر جهته مقصد تتبع ايله ده کیمسه کوندرلمدی. ذالاً مقدرات ملیه نك تعیینی ايله مشغول اولان ذواتدن هیچ بری نه شرق سیاحتلرینه رغبت ایدر، نه ده فلان و فلان شیلری تتبع ایچون کنیدی لرینه منسوب اولان کیمسه لری کوندر. فی الواقع شرقه منتظم و مکلف اولتلا یوق، یمکای یتاقلی قطارلر یوق، واريله حق یرلرده اکلنجه لی سیر یرلری یوق، تیاترو یوق، غازی نو یوق، میخانه یوق، قارخانه یوق، بیلمم نه خانه یوق، اویله اما منتظم و مکلف اولتلا رده و قلوبلرده، بویوک قوناقلرده، باغلی باغچه لی کاشانه لرده هر دورلو اسباب ذوق وراخته مالک اوله جق قدر صاحب سامان اویله غرب اهل عرفانلری واردر که کاروان تشکیل ایدرک، چادر آلتیده یاتهرق، سفری بر عسکر کی هر دورلو مزاحمه صبر و متانتله قاتلنهرق شرقک هر طرفنه کیدرلر و هر طرفنه فوائد مادیه و معنویه استحصال ایلرلر. بونلردن ده می عبرت آلمه جقز؟

لونده

خلیل خالد

بخارا

عالم نصرانیته عالم اسلام اوزرینه چو یردی کی فریلاقلر و احای اسلامیت ایچون قوردینی پلانلر، بلا پروا سویله لم که هر فرد اسلامک قلبنده آجی آجی انتقام حسلری او یاندر مقله برابر، علی لدوام و مرتب بر صورتده ایلر و سوریایور.

روس مطبوعاتی روسیه افکار متعصبه سی غایانه کیتورم جک درجه ده یالان یا کلاش افترالر، بهتانلر ايله بخارا نك الحاقی ترویج و برایلته افراغی حکومتدن طاب ایدیور.

نوویه وره یا غرضی بخارا نك بویله داخلی براداره مستقلده بولمنی روسیه نك، افغانستان ايله مناسبات تجاریه ده بولمنه، روس معمولاتنک افغانستان داخلنده تعمینه مانع اولدینی بیان ایدیور. بوکا سببده بخارا کمرکلرینک، مأمورلرینک تضییقاتی اوله رق کوسه تر یایور. روس مالک بخارا حدودندن افغانستان حدودینه

داخل اولسی ایچون بخارا کمرکلرینجه هر یوکدن یوزیکرمی بش غروش آلتدینی بیسوک بر حقسنزلق اوله رق ادعا ایدیور. اون روبله ایچنده ام دریا نقلیه باره سی ده داخل اولدینی ینه کنیدیسی اعتراف ایدیور. بومرور و نقلیه اجر تارینک روس - بخارا معاهده سنک ۶-۷ نجی ما لرینه مخالف بولندینی ادعا ایدیور. عجبا معاهده نامه مذکورده روس مالی بخاریلر؛ سمرقند حدودندن افغانستان حدودینه قدر اوموزلرینه آله رق طاشیه جقلرینی و بونکچون راجرت نقلیه آلمه جقلرینی عهد ایتشلر می ایدی؟ دنیا نك هانکی کوشه سنده بویله حقسنزلقلر کورلمشدر؟ هانکی مملکتده اجر تسر، قارشولقسنر خدمت ایدیلش و اشیا نقل اولمشدر؟ اوت بو، یالکیز روسلرک اسلاملر علمینده بسله دکاری حیت مسلملر نندن (!) صدور ایده بیلیر...

«نوویه وره میا» بوکون ایرانده روس امتعه و مالک قارشی یاییلان بویقوتازک ضرر و زیانلرینی افغانستانه یک جوق مال کچر مکله تلافی ایده بیله جکی دوشونه رک بویله برجنایتک ارتکابه لزوم کورده شه جهالته تأسف ایدر. زیرا افغانستانک طوتدینی مسلک و بولتیقه بی حالا اکلامه مشدر. عجبا روس تبعه سی بسا بورتی حامل اولانلرک قاچ دانسه بوکونه قدر افغانستان ایچروسنه داخل اوله رق تجارت و سیاحت اجرا ایده بیلدی؟ بخارا کی نیم مستقل بر حکومت بولنه مش اولسه یدی، نه وقت روسلر افغانستانه جزئی برمال کچیر بیلیرلردی؟ ینه بخارا کی برواسطه بولونمه مش اولسه یدی، نه وقت روسلر بونجه چوخه فابریقلرینه کثرتلی یوک تدارک ایده بیلیرلردی؟

چونکه افغانستان قومشوسی و کوچک برادری اولان بخارا ايله هر وقت آچیقندن آچیفه سربست تجارت ایدیور و بالذات امیر محترم حبیب اه خان حضرتلرینک تحت اداره و نفوذنده بیکلرجه دولردن عبارت بولنان قافله لر افغان امتعه و اشیا سنی حامل اوله رق بخارا بازارلرینه کلایور. صاتیلیور؛ و بو واسطه ايله روسلر احتیاجات ضروری لرینی کلیتی بر صورتده تأمین ایدیورلر...

اگر بخارا کی افغانستانه دینا، سیاستاً مربوط بر حکمدارلق بولنمه مش اولسه ایدی؛ نوویه وره میا امین اولسون که افغانیلر بر تک روس مملکتلرینه براقیه جقلری کی - نصل که شمیده اویله در - قطعیه آ بر باره لق تجارتده روسلر ايله ایتیمه جکلر ایدی. چونکه افغانیلر غنندن روسلرک صاری صاچلری و مادی کوزلرینک اوقدر اهمیت اولدینی کی، روسلر ايله مناسبات تجاریه ده بولنق آرزو سنده، یا خود ضرورتنده دکلردر. نوویه وره میا بونی کلامی و بیلملی ایدی.

ایشته شو بیاناتمزا یله نوویه وره میا و آرقداشلرینه تکرار ایده رز که اگر افغانستان ايله مناسبات تجاریه ده بولنق و روس امتعه و اشیا سنک تدریجی بر صورتده افغانستان داخلنده انتشارینی کورمک و افغانستانک روسیه ایچون قطعی ضروری اولان اشیا معلومه سندن استفاده یدمک آرزو ایدیلر سه بخارا علمینده چوریلکده اولان دوللر دن صاقینملی، و حسنیات اسلامییه بی روسلق علمینده تحریک ایتمکدن توقی ایتلیدر.